



Politicorvm Libri Decem

Contzen, Adam

Colonia, [1621]

Cap. IV. Seditiones, & coniurationes tempore Monarchiæ.

[urn:nbn:de:hbz:466:1-95437](https://nbn-resolving.org/urn:nbn:de:hbz:466:1-95437)

sequentibus inualuerunt, cum per occasionem belli Parthici duæ legiones à Cæsare abducerentur, donec ciuile bellum Anno 704. incepit, quo bello Pompeius Italia pulsus, eius legati in Hispania victi, Pompeius in Pharsalia cæsus, ab Ægypto occisus, Pompeiani in Africa victi, & tandem

Ultima funestâ concurrunt prælia Munda.

Cæsar vero Anno 710. occisus, Mutinensia, Philippiensia, Perusina, Sicula bella reliquit, & cædes Triumvirorum. Donec ad Actium victo Antonio rem Romanam vnus Augustus obtineret. Atque hic status Romanæ Reipublicæ per annos amplius septingentos fuit, quæ continuis dissensionibus agitata senatum plebemque exercuit. Et domi plura mala, quam foris dedit. Hæc principes confiderent, causasque seditionum expendant, ad eas sedandas, impediendæque magna subsidia comparabunt.

C A P V T I V.

Seditiones & coniurationes tempore Monarchie.

S. I. **S**EDITIONES ostendi grauissimum esse & frequentissimum Reipublicæ malum, quod tam in Aristocratiâ, quam Democratiâ Romana apparuit, ut vero magis principem ad suam, imperijque tutelam, vitandasque seditiones excitent, in Monarchiâ Romana hoc quoque offendere mihi constitutum est, hisce enim lectis ad causam tantorum malorum remediaque, & exitus, prudens & amans patriæ suæ princeps facilius attendet.

Inter mille enim seditiones nulla est, quæ non singulari aliquo principem documento faciat cautiorem, prudentiorem, modestiorem. Causæ enim singulariarum facile apparent. Augustum igitur principem spectemus, qui primos duodecim annos perpetuo bello ciuili, aut metu transiegit, post victoriam Actiacam, Ægyptiamque, multas seditiones, coniurationesque pertulit. Suetonius capite decimo nono. Tumultus post hæc ac etiam rerum nouarum initia, coniurationesque complures priuquam inualerent, indicio delectas compressit, & alias alio tempore; Lepidi iuuenis, deinde Varronis Muranæ, & Fannij Cepionis, mox M. Egnatij, exin Plauti, Ruffi, Lucijque Pauli progeni sub, ac præter has L. Andrasij falsarum tabularum rei, ac neque ætate, neque corpore integri, Themastini Epicadi ex gente Parthica Hybrida, ad extremum Telephi mulieris serui nomenclatoris. Nam ne vltima quidem sortis hominum conspiratione & periculo caruit. Andrasius atque Epicadus Iuliam filiam & Agrippam nepotem ex insulis quibus continebantur, rapere: ad extremum Telephus quasi debita sibi fato dominatione, & ipsum & senatum aggredere destinauerant. Quin etiam quondam iuxta cubiculum eius liza quidam ex Illyrico exercitu, ianitoribus deceptis noctu deprehensus est, cultro venatorio cinctus: impositæ mentis, an simulata dementia, incertum. Nihil enim exprimi questione potuit. Ecce præter bella externa, & ciuilia, quot hostibus vita regnantis appetita est?

Nec paucas rebelliones sustinuit (idem capite vigesimo primo. Neque crebrius aut perfidiosius rebellantes grauiore vnquam multauit pena, quam ut captiuos sub lege remundaret, ne in vicina regione seruirent, neque intra tricesimum annum liberarentur. Quanto vero in metu vixit, Dio docet; In senatum enim veniens sub veste thoracem gerebat. Idem Dio capite decimo septimo. Cæsari multi insidias fecerunt atque imprimis Gneus Cornelius Pompei Magni ex filia nepos: quos cum nollet occidere, propterea quod morte eorum non magis se securum esse intelligen-

bat: neque liberare, ne ob eam rem ceteros contra se incitaret: adeo in magnam dubitationem venit, ut dies noctesque curia angeretur. Quoniam autem de bono principe, scriptorum quidem iudicio, agimus, apponam quæ de eo Plinius libro septimo, capite 45. refert. In Diuo quoque Augusto quem vniuersa mortalitas in hac celsura nuncupat, si diligenter æstimentur cuncta, magna sortis humane reperiuntur volumina. Repulsa in Magisterio apud auunculum, & contra petitionem eius prælatus Lepidus: proscriptio inuidia, collegium in Triumviratu pessimorum ciuium, nec æqua saltem portio, sed prægrauis Antonio: Philippiensi prælio morbus, fuga, & triduo in palude latebra egroti: & (ut satentur Agrippa & Mecenas) aqua subter cutem fusâ, turgida latera: naufragia Sicula, & alia ibi quoque in spelunca occultatio. Iam in nauali fuga vrgente hostium manu, preces Proculeio mortis admodum: cura Perusina contentio: sollicitudo Martis Actiaci. Pannonici belli ruina & terror, tot seditiones militum, tot anticipes morbi corporis: suspecta Marcelli vota, pudenda Agrippinæ ablegatio, toties petita insidiosa vita, incusata liberorum mortes, luctusque non tantum orbitate tristes: Adulterium filie & consilia patricide palam facta: contumeliosus priuigni Neronis secessus: aliud neptis adulterium: iuncta deinde tot mala: inopia stipendii, rebellio Illyrici, seruitiorum delectus, iuuentutis penuria: pestilentia vrvis: fames sitisque Italia, destitutio expirandi, & quadridui inedia maior pars mortis in corpore recepta: iuxta hæc Variiana clades, & Maestatis eius fœda sugillatio, abdicatio Posthumi Agrippæ post adoptionem, desiderium post relegationem. inde suspicio in Fabium, arcanorumque proditio: Hinc vxoris & Tiberii cogitationes suprema eius cura. In summa, Deus ille, cælumque nescio adeptus magis, an meritis herede hostis sui filio excessit. Similia Sen. de breuit. vitæ cap. 5. ubi indicat ad senectutem mansisse illa terribilia, nondum horum effugerat insidias, filias & tot nobiles iuuenes adulterio, velut sacramento adacti, iam infra ætatem territabant: postquam & iterum timenda cum Antonio mulier.

Tiberium non exiguae procellæ mirum in modum exagitarunt. Primo eius ingressum Gallicæ legiones turbabant, cum Germanicum imperatorem dicerent, & filium eius Caligulam detinerent. Eo viuo vitia Tiberius continuit, Dio. Tandem Germanicus, & Drusus tollitur, cum seditiones in Pannonia, & Germania sedatæ essent. Interim Libo Drusus nouarum rerum ex parte conuictus occiditur. Clemens Agrippæ seruis seditionem mouet. Bellum in Africa & defectio. Pilo & Sentius præfex Syriæ dissentiunt, pugnatque ciuili bello. Totâ deinde vita Tiberii carnificina fuit, donec æger à Macrone suffocaretur. Caligulam breui tempore regnante tumultus sustulit.

Claudius plures seditiones proditionesque vexarunt. Suet. cap. 13. Nec tamen exers insidiarum vsquequaque permansit, sed & à singulis & per factionem, & denique ciuili bello infestatus est. E piebe homo nocte medi: iuxta cubiculum eius cum pugione deprehensus est: reperti & equestris ordinis duo in publico cum dolone ac venatorio cultro præstolantes: alter ut egressum theatrum, alter ut sacrificantem apud Martis adem adoriretur. conspirauerant autem ad res nouas Gallus Asinius & Statilius Corvinus, Pollionis ac Messala oratorum nepotes, assumptis libertis ipsius atque, seruus. Bellum ciuile mouit Furius, Camillus Scribonianus Dalmatia legatus: verum intra quintam diem oppressus, & legionibus quæ sacramentum mutauerant in poenitentiam religione conuersis, postquam denunciato ad nouum imperatorem itinere, casu quodam ac diuinitus, neque aquila ornari, neque signa conuelli moueri, potuerunt. Et c. 35. Timor eius ingenium Romanorum ostendit. Sed nihil æque quam timidus ac diffidens fuit. primis imperij diebus, quanquam (ut diximus) iactator ciuilitatis, neque conuicia mire ausus est, nisi ut speculatores cum lanceis circumstaret, militesque vice ministrorum sangerentur: neque agrum quenuquam visitauit, nisi explorato prius cubiculo, culcitraque & stragulis prætentatis & excusis. reliquo autem tempore saluatoribus scrutatores semper apposuit, & quidem omnibus, & acerbis-

Augusti miseria.

Tiberius vexatus.

Claudii insidia.

mos. Sero enim ac vix remisit ut semine pretextatis, pueri ac puellae conrectarentur, & ne cuius comiti aut librario calamariae aut graphariae theca adimeretur. Motu civili cum eum Camillus non dubitans etiam citra bellum posse cerneret, contumeliosa & minaci & contumaci epistola cedere imperio iuberet, vitamq; otiosam in priuata agere, dubitavit, adhibitis principibus viris, an obtemperaret. c. 36. Quasdam insidias temere delatas adeo expauit, ut deponere imperium tentauerit. Quodam (ut supra retuli) cum ferro circa sacrificantem se deprehensus, senatum per praefatos prope conuocauit, lacrymisque & vociferatione miseratus est conditionem suam, cui nihil tuti vsquam esset: ac diu publico abstinuit. Massina quoque amorem flagrantissimum, non tam indignitate contumeliarum, quam periculi metu abiecit, cum adulteri filio adquiri imperium credidisset. Quo tempore sedum in modum trepidus ad castra confugit, nihil tota via quam esse sibi saluum imperium quatuorans.

Nero quoque multis seditionibus agitur, tandem hostis iudicatus sua se manu peremit. Prima seditio Puteolis exarsit. Tac. l. 13. Deinde grauior in Britannia, ob spolia auaritiamque praesidium, alia ob Octavianam, Tac. l. 13. Demum multis coniurationibus pene inter vindictam occisus est. Confusus deinde orbis, dum Galba, Vindex, Nymphidius imperium affectant, dum Otho, Piso, Vitellius omnia contra patriam moluntur, donec ad imperium euectus est Vespasianus.

Vespasianus
insidias passus.

Vespasianum inter initia victorem turbae exceperunt, Mucianus aemulus, Sabinus imperij affectator, Allienus & Marcellus coniuratione facta insidias intrunt. Barabai duce Ciuii deficient, praesidia Romana eijciunt, castella euertunt. Piso in Africa occiditur, atque inde oritur tumultus. In Gallia vero Treuiri, Lingonesq; deficient, tota Gallia nutant, Legiones ad defectionem inclinant, & Gallis iurant. Bellum quoque in Iudea prouincia dudum pacata ciuile censendum est.

Titus.

Titum vix vlla breui tempore imperantem, populoq; charum seditio afflixit, cauendus illi frater fuit, a quo etiam dicitur interfectus. Domitianus semper pauidus, a coniuratis occiditur. Nerva suo anno pacem nullam vidit, initio gratias agere coactus est viris fortibus, qui Domitianum interfecerant, quibus apprimere sauebat, sed cum eos milites contra iustum imperatoris occidissent, interfectores amicorum gratias agere coactus est. adeoque deiecto animo fuit, ut forte suam lacrymis ipse prosequeretur, ideoq; Traianum Caesarem dixit, addiditq; *πῶς εἰς δαμάσειν εὐχὰ δ' ἀνεῖναι. Λυγρὰν lacrymas meas Danaei.* Nihil enim imperio suo egit, quam ut fleret infelicitatem, coniuratos eluderet, Traianum adoptaret.

Traianus.

Traianus inter optimos principes nominatus initia pacata habuit, nisi quod contra deficientes Dacos saepius pugnandum fuit, sed finis omnino miserabilis fuit, deficientibus enim populis, seditionemq; mouentibus in Syria, Egypto, Cypro, Iudeis, atq; in Graecos immaniter saeuientibus, toto imperio praesertim in oriente turbato, morbo non vno moritur.

Adrianus.

Adrianus statim ut adeptus est principatum, insidiatores occidit, Celsum, Nigrinum, Lucium, quod insidias in venatione terendisse illi dicerentur. Moriturus quoque, ex suspitione seuius fuit, & ad extremum etiam mortis audus, insidiarum metuens.

Antoninus.

Antoninorum tempore quietior res fuit, Philosophum tamen tum Cassius, tum alij exagitarent, donec veneno interijt.

Commodus.

Verum hanc qualemunque quietem, Commodi flagitia, seditionesq; compensarunt. Eum tollere conatus est Perennis, Quadratus conspirauit, Maternus eum spoliatur, tandem a dissimilis occiditur. Securus Pertinax qui a loco proditus, per seditionem occiditur. Mox Julianus, ne deesset discordiarum causa, imperium pecunia emit, Niger eligitur imperator. Seuerus utruq; de medio tollit. Is quanta victor ciuilium bellorum,

Pertinax.

nequaquam absq; cladibus & seditionibus, regnum administravit; Niger, Albinus, Plautianus, Britannia, Sarmaturnus, demum filij omnia, qua bellis, qua dolis turbulenta & funesta reddiderunt. Imperium reliquij discordibus fratribus, quorum alter Caracalla, alterum Geta tam mox occidit, & ipse merito suo, sed magna clade Reip. a Macrino occisus est. Macrinus ab Halagabalo, hic a seditione exercitu, Alexander Quinij defectionem leuiter ferens, a Maximino, adeoque exercitu proditur. Maximinus grauissimas seditiones passus, ab Afris, Tito, Gordiano, Maximo, Balbino, demum a suis militibus cum cruciatu, & ludibrio interficitur. Milites quoque Maximinum & Balbinum trucidant. Mox senatus Marcianum & Seuerum Hasilianum Gordiano substituit, Gordianum Philippum, hunc Decius occidit, itaq; eo tempore plures fuerunt coniuratioq; & sanguinariae seditiones. Decius cum Valens exercuisset, Gallus prodidit barbaris. Galli & Volusianum milites obtineant, & quem elegerant Amylianum post trium mensium imperium interficiunt. Non melior aut quietior Res. sub Valeriano, miserrima sub Gallieno, quo in triginta acies diuisum vnum corpus contra semetipsum pugnavit. Tyranni fuere, Trebellio augustinus, Cyriades, Posthumus senior, & iunior, Lollianus, Victorinus senior & iunior. Marius, Ingenius, Regillianus, Aureolus, Marianus uterq; Quirinus, Odenatus, Herodes, Macrinus, Balista, Valentes duo, Piso, Amylianus, Saturninus, duo Tetrici, Trebellianus, Herennianus, Timolaus, Celsus, Zenobia, Victoria seu Victorina, Titus, Censorinus. Tantis motibus publice agitata imperium, nam vbi quatuordecim seditiones ut mala priuata omitto. Excepit haec Claudius qui defectione Aegyptiorum in discrimen omnium rerum deuenit. Quintillum tyrannum occidit, Victorinus tandem, & Aurelius victor in partibus fuit. Aurelianus modestior videbatur, sed cum esset in senatores saeuus, maximis discordiis confectus est. Ab eo defecerunt Palmyreni & radicis excisus fuit, magno omnium dolore, quod causas rebellandi graues habuissent. Eodem imperatore Firmus, Quintillus Claudij frater, alij perduelles per Reip. viscera trucidati sunt, Alexander rebelles, & ne quid mali deesset, bellum Monetae exitum est, quorum ad septena millia caesa sunt. Mihi aliquando in mentem venit admirari, quomodo viuere inter continua mala homines potuerint. Occiso per intimos Aureliano Tacito sit imperator, & non multo post necatur, deinde Probus & Florianus, quorum hic celeriter occiditur, alter Saturnini familiaris sui rebellionem, Britanniarum seditionem, Lydii latronis furis, Ptolemaidis in Thebaide tumultu, Fracorum in Sicilia & captis Syraculis tyrannide, gladiatorum Romanorum audacia, Proculi & Bononi apud Agrippinam proditio vexatus, ab exercitu trucidatur. Hinc Carus exiguuo tempore, inde Numerianus arripit imperium. Contra hos Diocletianus pugnat, alia stat parte Carinus, qui Julianum imperatorem obtuncauerat, & non nisi post multa praecia occubuit. Diocletianus seditionum, & rebellionum anxius multitudine, Maximinianum adsciscit. Interim variis tumultus, sed tres primarii, Caruisi in Britannia, Juliani in Africa, Achillei in Aegypto. Quod autem pacandae turandaeq; Reip. constitutum fuit, ut plures Caesares dicerentur, id exitio pene fuit. Nunquam tadius lacerata est Res. quam trium Galeriarum, Constantii, Maxentii, Licinii, Alexandri, Constantini inter se bellis, & nisi in moderatum & religiosum imperatorem lacerata membra imperij recidisset, a quo foueretur, finis haud dubie fuisset tanta molis, a grauius coeulset.

§. 2. Inquietum itaq; turbulentum, diuisum in semet defensum fuit imperium vsq; ad Constantinum & Christiana tempora. At neq; deinceps omnino pacatum, Constantinus omnium seditionum & bellorum ciuiliu victor autoritate sua, & pietate paulum improbos coecuit,

ut res.

Multis imperatores seditione periti

Seditio toto orbi

Seditiones varia.

Grac imper seditione agitat

Insimul

Cruentum C. flantia li.

Sub Constantino orbi respirant.

ut respirare oēs posset. Sed filiorū ei⁹ tēpore in mores rediit. Cōstās fratrē Cōstantinū interfecit. Dalmatius Cēsar perimitur, aliq; viri clari & bene meriti. Magnētius per iocū imperator dicitur, Cōstās interfecit. Nec vna seditio, nec simplex malum, Veteranno in Illyrico tyrannidem occupat, Syluanus in Gallia, quæ tota tumultuatur, Nepotianus Romæ Augusta in signia circumdat. Palmam inter hos obtinet Iulianus, qui mortuo Cōstantio imperium quod arripuerat dilatare fatagens, pene prodidit. Tum quidē sub Iouiano, & inijs Valentiniāni metu externi hostis pax a seditione fuit; cum Valens impie regnaret summam cladē Procopius attulit. secuta deinde Theodosij & Gratiani temporibus, Maximi & Eugenij ingentia bella, sub Theodosij liberis Arcadio & Honorio, inter Barbarorum arma erant, Stilico, Rufinus, Eutropius, Gaius, Tarbighdes, Gildo, Alaricus, deinde mortuo Arcadio, Attalus, Heraclianus, Ioannes Subscriptor, Calinus, Bonifacius, Britannia & Hispania seditiones, defectio- nesque sub Valentiniāno in iore Aëtius, Maximus, qui vero deinde consecuti sunt Imperatores, suorum Indubria, & mancipia fuerunt. Maximus, Auitus, Ma- iorianus, Severus, Anthemius, qui Ricimeris manci- pia fuerunt, perieruntque ferro, venenoque, cum vix imperij dulcedinem gustassent. Itaque reliquæ occi- dentalis imperij in annos pene imperatorem mu- tarunt. Qui enim secuti sunt, Olybrius, Glycerius, Nepos, Augustulus, partim Asparis & Ardaburij, partim aliorum arbitrio folio impositi, folioque de- lecti sunt, dum interea tamen Repub. principum de- bilium ambitione atterritur, quamvis enim ad ho- stem vincendum essent impares, seditiones tamen domi excitabāt grauissimas. Hæc igitur Romani Im- perij facies, hæc discordiarum constantia, & seditio- num theatrum, principes omnes consiliariosq; mo- nere debet, ut operam dent, quo omnia tumultuum odiorumque semina tollantur.

CAPUT V.

Constantinopolitanum imperium seditione rebellioneque agitatū esse.

Græcorum imperium seditionibus agitatū.
§. i. P Rincipium a Leone Magno ducis, is enim de- sinente iam seu ruente occidentis imperio otientem rēxit, Alparem & Ardaburium inter initia post cōpressam seditionem interfecit. Zeno deinde cum omnia turbasset a Basilisco pellitur, nec inulta proditio fuit, Basiliscus cum familia captus fame pe- rire cogitur. Zeno rediens ab exilio ad imperium, il- lustrum cædibus sedatus ipse tandem viuus sepeli- tur. Anastasium magnæ seditionis exceperunt. Lon- ginum aduersarium nactus de vita periclitatus est. Logothetæ eius, & præfectus vix populi manus, ne discernerentur, effugerunt. Iustinus cum arte impe- rium accepisset, Amantium Eunuchum, Theocritia- num, Andream cubicularium insidiatores habuit; Vitalianum deinde imperatori imperantem Con- stantinopolitani occiderunt. Nobile fuit Iustiniani imperium, sed tamē multis bellis ciuilibus agitatū. Gilimer defecit, & Africam traxit. Samaritani etiam tetra bella mouerunt. Constantinopoli grauis sedi- tio exorta est. Recenset Ammianus. Hypatius Pompeius & Probus genere consobriini, Anastasij imperatoris nepotes, q; imperium sibi singuli indigna ambitione exoptarēt, Idibus la- maris cum pleriq; nobilitum conturbatis, omniq; seditionum turba armis, doniq; in iustis illece, dolis inuadere tenta- runt: atq; per quinq; integros dies urbem regiam rapinis, ferro, igneq; per sceleros ciues sine certo interrege percurrentes ho- stili impietate ipsi se fideles Reip. in palatio dissimulantes, depo- pulati sunt. Quarta vero huius nefandi sceleris die dum de foro Hypatius sceleratorum comitantia manibus torque redimitus aureo & Pompeius Comes sua sub veste loriceus ad inuaden-

dum tenendumq; ascendunt palatium: vterq; eorum antesores palatii captus est: statimq; pissimi principis nostri nutu, cate- natus, trucidatus pœnas luit, & ante imperij perditum quam haberet, innumerū passim trucidatis in Circo populus, & ty- rannorum sociū continuo proscriptis. Postea vero cū Oriē- tem Barbari, Galliam Franci occuparent, Artabanes cum Arface aliisq; in Iustinianum cōiurant, quamuis idem Artabanes nuper Gunthaidem tyrannum in Africa occiderat. Merito hæc passus est Iustinianus mutatus in peius, adeo ut discordias domesticas & vr- banas quæreretur. Euagrius l. 4. De alio item Iustiniani fa- cto mihi dicendū est: q; quidē sue ex natura vitio, sue ex formi- dine & timore ortum sit, non habeo dicere, eius tamen generis fuit, ut omnem beluam immanitate longe superaret. Duxit autē initium ab ea seditione populari quā Nica, hoc est, Vince, vocant. Placuit Iustiniano ita rehemēter in alterā factionem eorū, qui Prasini dicuntur, ppendere, ut impune possent ipso me- ridie aduersarios, in ciuitate trucidare, & nō modo non pœnas metuerent, verū et dignarentur honoribus: adeo inde multi ho- micida existerēt. Licebat n. illis in ades alienas irrumpere, thesau- ros diripere in illis reconditos, hominibus suā ipsorum salutem ac vitam diuidere, & si qui Magistratus illos cohibere molire- tur, suo ipsius capiti creauit periculum. Vnde certe vir quidam qui gessit in Oriente Magistratum, quomā nonnullos eorum qui nobis studebāt, neruis coercere voluit, quo modestiores effi- ceretur: per mediā urbem circūductus fuit neruis grauius cæ- sus. Callinicus porro præfectus Cilicie, cū duo Cilices Paulus & Faustinus, homicida vterq; in eum imperij facerent, occidereq; in animo haberent: quomā pœna ex legibus constituta eos mul- ctauit, in crucem actus est, hocq; supplicio prorecla cōscientia & legum obseruatione affectus. Inde factū est, ut qui aliter erant factionis, cum domiciliis suis fugissent, & a nemine vq; ex- ciperentur hospitio, sed velut scelera exagitarentur, tendere in- sidias viatoribus, compilare, cades facere cœperint, vq; eo ut om- nia loca nece immatura, direptione, & reliquis id genus ma- leficiis redundarent. Interdum animo in contrariam sententiā mutato, eius generis homines interfecit, permisiq; legum pote- stati etiam eos quos ante passus esset more barbarorum in ciui- tatibus impia scelera confiscare. Sed ad ista singillatim prose- quenda mihi nec tempus suppetit, nec facultas dicēdi. Ea cau- sa Euagrius ait cum omnia omnino turba ac tumul- tu compleuisset, ad supplicia apud inferos luēda rap- tum. Nicephorus pœnituisse ait; contra senem mo- ta est seditio, cuius & Belizarius conscius fuisse dicitur. Iustinus imperium discors primum pacare cona- tus, Alexandrinam seditionem initio compefecit. Narsetem dignitate priuat, Marcianæ irascitur, om- niaq; sibi infida reddit, incantationibus tandem ma- gicis affligitur. Tiberius collega & susceptor Iustini optimus princeps, prima coronationis die insidias a Iustiniano Iustini nepote passus est, Sophia deinde maiore periculo eundem pene circumuenit. Secutus Mauridius quem milites occiderunt, Phocas etiam pœnas patricidij dedit, iterata conspiratione, & He- raclius ex Africa nouus Imperator Phocā interimit, & concremat. Eo regnante per Asiam & Ægyptum in Africam vq; Persæ venerunt, Carthaginemq; oc- cuparunt, cum interim Caianus, aliq; barbari non quiescerent Victo Persa Saraceni Syriam finitimāq; occupant. Hunc secuti, Constantinus quatuor men- sium, & Heracleonus trimestri spatio deiciuntur, & Constans imperat, contra quem mox Valentinianus patricius tyrannidem molitur. Dum autem in Or- thodoxos seuit, in discrimen se coniecit maximum, Africam amittit, Armenia deficit, adeo vero exosi s suis euasit, ut in Sicilia degens in balneo suffocaretur. Constantinus Pogonatus initia cruenta habuit, fratrum naribus abiectis, Mizizium rebellan- tem occidit, omniaque intuta expertus est. Iustinia- nus vexatur imperium accipens statim Sabbatij prætoris Armeniæ defectione agitat⁹ est; Ingens odium contemptumque sui contraxit, in eum pro-

Iustiniani iniustitia.

Iustinus.